

La vita

Che bedda la vita di quannu
si nasci finu a deci anni.
Si campa tranquilli, felici
e senza 'nganni.
Si talia avanti di chiddu
chi fannu li cchiù granni.

Di deci anni a vint'anni,
la vita è sempri allegra e fistanti,
ma piglia na forma
cchiù 'mpurtanti,
si cumencia a pinzari
chi fari cu 'stu cosu davanti.

Di vinti a trent'anni
eccu ca cumincianu li danni.
Eratu zitu e taliàvatu avanti,
ma la zita ti scuprì cu l'amanti.
Nni la vita si cumencia a truppicàri
ma ti nni futti e penzi a campari.

Fina ora, dicemu, ca va tuttu beni,
di zitu si penza a maritari.
Ti maritasti e finisti di cumannari.
Ora c'è to muglieri ca ti cumanna,
perciò 'sta attentu a comu ti catamini
fila dirittu e nun ghiri a mal'abbanna.

Li cosi ora su tutti canciati,
di chi manciàvatu e futtìvatu,
ora, nun vannu cu lu versu giustu,
to muglieri di tia nun trova cchiù gustu.
Si nni va cu atri e ti fa curnutu,
ormai ne parli, ne arridi e ti 'stai mutu.

Li figli ora su granni e vulissiru studiari
ma ti mancanu li sordi pi putillu fari,
si dispizziatu ti resta sulu di travagliari
iornu e notti pi la famiglia sfamari.
Ormai a lu fùttiri nun ci penzi cchiù
nta lu lettu t'addumisci e cu fù ffù.

Nun ti resta mancu tempu di prigàri
ma lu Signuri ti 'sta sempri a taliari,
penza a fari sempri beni nni 'sta vita
e aviri fiducia e pigliala comu na gita,
quarcosa di sicuru a va capitari
pi 'sta vita tecchia migliurari.

Grazii a Diu, ora semu
granni circamu di campari
comu megliu putemu,
di fùttiri nun si nni parla,
perciò manciamu, durmemu
e di ogni cosa ni nni futtemu.

2022 Giuseppe Cardella